

2. IGICE CYA II : UBURYO BWO KUGENDA MU MIHANDA (CIRCULATION)

2.1. IMUTWE WA MBERE: AMATEGEKO RUSANGE (Régles générales)

2.1.1. ICYICIRO CYA MBERE: Kurinda inzira nyabagendwa n'abayigendamo Protection des voies publiques et des usages

Ingingo ya 8:

1. *Birabujijwe kubangamira uburyo bwo kugenda mu muhanda cyangwa gutuma watera ibyago kubera:*
1 *Kujugunya*, 2 *Kurunda*, 4 *Gusiga cyangwa* 5 *Kugusha* mu nzira nyabagendwa ibintu ibyo aribyo byose; nk'ibisate by'ibirahure, *mazutu*, *risansi*, *gazi* n'amavuta kuhuka umwotsi cyangwa ibyuka, cyangwa se kuhashyira ikintu cyose cy'inkomyi.

Ibyo ntibibujijwe ku bakozi b'imirimo ya Leta igihe bari ku kazi kabo bakoresha ibyuma bivubura imyotsi, ibyuka cyangwa ibifu. Nikimwe no kubikorera ubwabo bakoresha nk'ibyo kandi imirimo bakora ikaba ari iya Leta cyangwa se bakaba bayikora bafite uruhushya bahawe na *Perefé*.

Mugihe iyo mirimo ikorwa, abagenzi nibo bagomba gukora uko bashoboye kose kugirango birinde impanuka ishobora kuba.

2. Iyo ikinyabiziga gihagaze kubera impanuka cyangwa iyo ibyo gitwaye cyangwa bimwe muri ibyo biguye mu nzira nyabagendwa, umuyobozi wacyo agomba gukora uko ashoboye kose kugirango inzira igendwemo nta nkomyi.

Iyo umuyobozi atabishoboye umuherekeje niwe ugomba kubikora, yaba ntawe afite bigakorwa n'undi mugenzi wese waguweho n'iyi mpanuka.

3. Birabujijwe konona inzira nyabagendwa, *kuvanaho*, *kwimura*, *kwangiza*, *guhirika* cyangwa *gusenya imbago*, *ibimenyetso*, *ibyapa biyiteyeho* cyangwa *ibiyubatseho*.

Ingingo ya 9 :

Umuyobozi agomba gukora uko ashoboye kugirango yirinde kwangiza umuhanda *agenda* buhoro, *agabanya* iby'ikinyabiziga kikoreye cyangwa se *anyura* indi nzira. by'umwihariko ibinyabiziga bifite iminyururu, iyo bigenda mu nzira nyabagendwa bigomba gushyirwaho ibyangombwa bituma bitagira icyo byangiza ku muhanda.

- ✓ Nta narimwe bishobora kugenda ku mihanda ya kaburimbo, uretse ibinyabiziga bya gisirikare mu bihe bidasanze.

2.1.2. ICYICIRO CYA II: Ibyerekeye abayobozi

Ingingo ya 10:

1. Ikinyabiziga cyose cyangwa ibinyabiziga bikururana, iyo bigenda, bigomba kugira ubiyobora. Inyamaswa zikurura, zikorera cyangwa zigenderwaho, kimwe n'amatungo yaba rimwe cyangwa ubushyamba zigomba kugira uziyobora iyo zigenda mu nzira nyabagendwa.
2. Umuyobozi agomba kuba ashobora kuyobora, *gukora igihe cyose ibyo ategatswe kandi agomba kugenga igihe cyose ikinyabiziga cyangwa inyamaswa ayoboye*. By'umwihariko, umuyobozi ntashobora guterwa imbogamizi igihe ayobora no gukingirizwa bitewe n'umubare w'abagenzi cyangwa n'uko bafashe imyanya, cyangwa bitewe n'ibintu bitabonerana byometse ku birahuri.